



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ № Վ- 36/152

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

« 07 » 09 2022թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Արաբկիր վարչական շրջանի ղեկավարի աշխատակազմի աշխատակից Բ. Մայադյանի կողմից 08.04.2022 թվականին հայտնաբերվել է «Գովազդի մասին» օրենքի (հետայսու՝ Օրենք¹) 26-րդ հոդվածի 1.1 կետով նախատեսված իրավախախտում, մասնավորապես «Գանձասար-90» սահմանափակ պատասխանատվությամբ ընկերություն կողմից Երևան քաղաքի Կոմիտասի պողոտայի հ. 32 հասցեում, առանց արտաքին գովազդ տեղադրելու թույլտվության, տեղադրվել է՝ «Մարվի, մսի խանութ, խոհանոց» բովանդակությամբ և էլեկտրոնային կրիչով արտաքին գովազդ, որի վերաբերյալ 15.04.2022 թվականին կազմվել է վարչական իրավախախտման վերաբերյալ թիվ 001363 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը «Գանձասար» սահմանափակ պատասխանատվությամբ ընկերության տնօրեն Տիգրան Ռոբերտի Մանուկյանի մասնակցությունն ապահովելու նպատակով Երևանի քաղաքապետարանի կողմից միջոցներ են ձեռնարկվել «Գանձասար» սահմանափակ պատասխանատվությամբ ընկերության տնօրեն Տիգրան Ռոբերտի Մանուկյանին Երևանի քաղաքապետարանում կայանալիք նիստի վերաբերյալ ծանուցելու համար, սակայն ծանուցադրերը մինչ օրս չեն վերադարձվել, իսկ «Գանձասար» սահմանափակ պատասխանատվությամբ ընկերության տնօրեն Տիգրան Ռոբերտի Մանուկյանը չի ներկայացել Երևանի քաղաքապետարան, ուստի նկատի ունենալով, որ չի ապահովվել վերջինիս պատշաճ ծանուցումը, հետևապես առկա է իրավական հիմք՝ մինչ «Գանձասար-90» սահմանափակ պատասխանատվությամբ ընկերության տնօրեն Տիգրան Ռոբերտի Մանուկյանի պատշաճ ծանուցման փաստի առկայությունը՝ կասեցնել գործի վարույթը:

Հաշվի առնելով, որ Օրենսգրքի դրույթներով չեն կանոնակարգվում վարչական իրավախախտման վերաբերյալ վարույթների կասեցման դեպքերը, հիմքերն ու կարգը, և այդպիսի կարգավորումները սահմանվում են «Վարչարարության հիմունքների և վարչական վարույթի մասին» օրենքով (հետայսու՝ Օրենք²), ուստի ղեկավարվելով Օրենքի 49-րդ հոդվածի 1-ին մասի «բ» կետով՝ 15.04.2022 թվականին կազմված հ. 001363 արձանագրության հիման վրա հարուցված վարչական վարույթը 01.06.2022 թվականի հ. Վ-22/21 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը «Գանձասար-90» սահմանափակ պատասխանատվությամբ ընկերության տնօրեն Տիգրան Ռոբերտի Մանուկյանի մասնակցությունն ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել «Գանձասար-90» սահմանափակ պատասխանատվությամբ ընկերության տնօրեն Տիգրան Ռոբերտի Մանուկյանին Երևանի քաղաքապետարանում 07.09.2022 թվականին կայանալիք գործի քննությանը ծանուցելու համար:

Փոստային ծառայության ստացման-հանձման հետադարձ թիվ ALO105273997AM ծանուցագրի համաձայն գործի քննության անցկացման տեղի և ժամանակի վերաբերյալ ծանուցագիրը հանձնվել է հասցեատիրոջը:

«Գանձասար-90» սահմանափակ պատասխանատվությամբ ընկերության տնօրեն Տիգրան Ռոբերտի Մանուկյանը ծանուցված լինելով 07.09.2022 թվականին կայանալիք գործի քննության տեղի և ժամանակի մասին «Գանձասար-90» սահմանափակ պատասխանատվությամբ ընկերության տնօրեն Տիգրան Ռոբերտի Մանուկյանը չներկայացավ, ուստի Վարչական իրավախախտումների վերաբերյալ օրենսգրքի (հետայսու՝ Օրենսգիրք) 267-րդ հոդվածի 1-ին մասի համաձայն գործը քննվեց վերջինիս բացակայությամբ:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, Երևան քաղաքի Արաբկիր վարչական շրջանի ղեկավարի տեղակալի 11.04.2022 թվականի հ. 25/012-61 ծանուցումը, Երևան քաղաքի Արաբկիր վարչական շրջանի ղեկավարի աշխատակազմի աշխատակցի 15.04.2022 թվականի «Բացատրագիր» վերտառությամբ գրությունը, ընկերության պետական գրանցման վերաբերյալ քաղվածքը և իրավախախտման լուսանկարները:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ 08.04.2022 թվականի դրությամբ «Գանձասար-90» սահմանափակ պատասխանատվությամբ ընկերությունը՝ հանդիսանալով գովազդակիր, խուսափել և ժամանակին չի կատարել Երևան քաղաքի Կոմիտասի պողոտայի հ. 32 հասցեում արտաքին գովազդի՝ «ՄԱՄՎԻ մսի խանութ/խոհանոց», «MARVI», «Smokehowse» բովանդակությամբ, տեղադրման թույլտվության տեղական տուրքի վճարումից, որով նաև իր նախաձեռնության մասին տեղեկություն է տարածում անորոշ թվով անձանց շրջանում, ձևավորելով հետաքրքրություն իր նախաձեռնության նկատմամբ:

«Գանձասար-90» սահմանափակ պատասխանատվությամբ ընկերության կողմից թույլ է տրվել Օրենքի՝ 26-րդ հոդվածով նախատեսված վարչական իրավախախտում:

Հաշվի առնելով, որ «Գանձասար-90» սահմանափակ պատասխանատվությամբ ընկերության տնօրեն Տիգրան Ռոբերտի Մանուկյանը չի ներկայացել գործի քննությանը, որի շրջանակներում հնարավորություն ուներ ներկայացնելու բացատրություններ և պարզաբանումներ իրավախախտման հետևանքների վերացրած լինելու մասին, որի վերաբերյալ չի ներկայացրել նաև որևէ գրավոր դիրքորոշում, իսկ վարչական մարմինն իր միջոցներով հնարավորություն չի ունեցել ձեռք բերել այնպիսի փաստական հանգամանքներ, որոնք քննարկվող գործի նկատմամբ առավելապես կարող էին ունենալ զանցանքը մեղմացնող վարչական մարմնի հայեցողական լիազորության իրացման համար, ինչպես նաև հետզոտելով գործում առկա բոլոր նյութերը, հետևում է, որ տվյալ դեպքում առկա չէ վարչական իրավախախտման համար պատասխանատվությունը մեղմացնող հանգամանք:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենքի՝ 26-րդ հոդվածի 1.1-ին կետի համաձայն՝ Երևանի քաղաքապետն իրավասու է, Հայաստանի Հանրապետության գործող օրենսդրության համաձայն, տուգանք կիրառելու Երևանում համաքաղաքային կանոններին համապատասխան համայնքի տարածքում արտաքին գովազդ տեղադրելու թույլտվության պայմանների խախտման մասին իր ծանուցագրերի պահանջների կատարումից խուսափելու կամ ժամանակին չկատարելու համար, ինչպես նաև Երևան քաղաքում առանց արտաքին գովազդ տեղադրելու թույլտվության արտաքին գովազդ տեղադրելու համար:

Օրենքի՝ 2.1.-ին կետի համաձայն՝ գովազդատուները, գովազդ արտադրողները, գովազդակիրները սույն հոդվածի 1.1-ին կետով նախատեսված խախտումների համար կրում են վարչական պատասխանատվություն: Այդ դեպքում Երևանի քաղաքապետն իրավունք ունի նրանց նկատմամբ կիրառելու տուգանք՝ նվազագույն աշխատավարձի մինչև 100-ապատիկի չափով:

Օրենքի՝ 49-րդ հոդվածի 1-ին մասի «բ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարույթին չի ներկայացել վարչական ակտի հասցեատերը, իսկ օրենքը բացառում է առանց նրա ներկայության համապատասխան վարչական ակտ ընդունելը:

Օրենքի՝ 49-րդ հոդվածի 3-րդ մասի համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանայուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 34-րդ հոդվածով, 252-րդ, 281-րդ և 282-րդ հոդվածներով, Օրենքի՝ 49-րդ հոդվածի 1-ին մասի «բ» կետով, 3-րդ մասի 2-րդ պարբերությունով, Օրենքի՝ 26-րդ հոդվածով, Երևանի քաղաքապետի 30.05.2022 թվականի թիվ 1986-Ա որոշմամբ՝

ՈՐՈՇԵՑԻ

1. «Գանձասար-90» սահմանափակ պատասխանատվությամբ ընկերության նկատմամբ 01.06.2022 թվականի հ. Վ-22/21 որոշմամբ կասեցված վարչական վարույթը վերսկսել:

2. «Գանձասար-90» սահմանափակ պատասխանատվությամբ ընկերությանը Օրենքի՝ 26-րդ հոդվածի 2.1-րդ մասով ենթարկել վարչական պատասխանատվության՝ նշանակելով վարչական տույժ 100.000 (մեկ հարյուր հազար) ՀՀ դրամ գումարի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900035311100 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏՐ ՏԵՂԱԿԱՆ՝



ԱՐԱՍ ՄԱՐՏԻՐՈՍՅԱՆ